



## 屋脣个菜地

吾屋下个屋脣，有一垵三百坪邊仔个建地。這垵地原旦係田，較早以前係沙埔。頭擺人同沙埔開做良田，耕種禾穀。續後，土地重劃，膠農業用地變到建地。毋過，自從變到建地，地主一手換過一手，到今還係有膠屋起起來自家歇，抑係起屋仔來賣分別人。故所，隔壁鄰舍就在這垵建地項種菜！地主無反對，佢想佢應該當歡喜正著！因爭透長年分人種菜，野草正毋會生到高高、塞塞，乜毋使使錢請人來伐草！

佢乜在吾屋脣該垵菜地項種菜，一種就種咁十過年。恁起十過年前，佢正搬來該下，就想愛在屋脣種兜仔菜！好得隔壁鄰舍恁相惜，知佢想愛種菜，就讓兜仔菜地分佢，一種就種咁十過年。跔等四季、跔等時節，種出無共樣个菜，看等菜生、看等菜靚、菜大，也看等佢兜開花、結果。在這菜地項，佢看著成長个歡喜；在這菜園項，佢乜分享著收成个喜樂。

春天到來，新曆三月仔，天時還有一息仔寒。隔壁阿伯姆、阿伯就開始在菜園項種菜。佢乜在屋脣幾廂仔菜地項，種幾頭仔吊菜仔、苦瓜；委兜仔白菜、蕓仔；楔(xiab`)幾藤仔番薯葉；還過種兜仔鼓香个七層塔、辣椒仔這兜。菜種(zung)好，續等就愛在適當个時節淋水、掖肥！好比，菜種下去个時節，就愛膠菜淋溼來，係講兩三日無落雨，菜地忒燥，乜愛記得淋水。掖肥也愛在適當个時節。有兜人會在菜畝種落去以前，先用雞屎肥、有機肥打肥底，再膠菜種落去，等到菜生核(hed)、暴芽綻筍，乜愛掖兜仔肥料，等到好收成咁，就毋使過再入肥料哩。

等到熱天，係瓠仔、瓜仔這兜好收成个時節。阿伯、伯姆輒常會送佢瓠仔，無就菜瓜。接下佢个菜，就像領著佢个心意，佢黏時鼻著、感受著醺醺个人情味。有成時，佢乜會送兜仔自家種个苦瓜、吊菜仔，割幾抓仔番薯葉，分該兜無種苦瓜、吊菜仔、番薯葉个隔壁鄰舍。十過年來，佢送佢、佢送佢个時菜，包等燒暖个人情，溫暖咁吾个心肝！

屋脣个菜地項種菜，十過年來，也分佢當多个經驗。好比講：改菜地个時節，愛知得深耕淺種个道理，菜地愛改較深兜仔，菜秧仔毋使種到恁深窟；又好比講笏瓜、菜瓜愛斷(don`)心，養分正會掙轉瓜仔項，會變到較靚、較大條；還有，今年種過个地方，明年毋好再過種共樣个東西，層園，種个菜毋會靚；種番薯，藤愛留有五目恁長來楔，還愛記得仰般牽藤、入肥料；菜瓜愛種在兼水圳个位跡……，這兜恁多種菜个觀念，就在實際个耕種過程裡肚學習著。

行入屋脣个菜地，毋單止看得著糖蜂仔、揚蝶仔、揚尾仔，在花葉間採蜜、跳舞、生卵；還看得著青蟲仔、草蜢仔、蛄仔，在菜葉面食葉仔、啃葉汁、蜒葉仔。會鬆泥个蟻公、尋蟻公食个噴地豬、食白蟻卵个挨礮披波、食蜂仔个蜾蠃，仰般多个蟲仔、動物輒常跔等季節、跔等菜種，出現在吾屋脣个菜園項。

作者：邱一帆

### ☆詞彙學習☆

【起起來】hi` hi` loi`：蓋起來。

【塞塞】sed` sed`：密不通風。

【天時】tien` sii`：天氣、天候。

【楔】xiab`：阡插。

【掖肥】ie pi`：施肥。

【打肥底】da` pi` dai`：施以基礎肥料。

【時菜】sii` coi`：當季蔬菜。

【層園】cen` ien`：在一地重複種植同樣的作物。

【位跡】vi jiag`：位置。

【蜒葉仔】ien` iab e`：刺灼傷葉子。